

## FORU AUZITEGI EKONOMIKO ADMINISTRATIBOKO PRESIDENTEA

### Felix Ayarza Palma

Bilbon jaio zen, 1959an.

Prestakuntza akademikoa

Deustuko Unibertsitate Komertzialeko Ekonomi eta Enpresa Zientzietako lizentziatua.

Ibilbide profesionala:

1987-1989 urte bitartean, SEBASTIAN DE LA FUENTE kontsumo-produktuen banaketaren sektoreko enpresan egin zuen lan, administrazio-ataleko teknikari. Hain zuzen, kontabilitate- eta finantza-lanak egin zituen, eta, diruzaintzari dagokionez, finantza-erakundeekiko diruzaintza-negozioazioaren arduradun jardun zuen.

1990-1991 urte bitartean, goi-mailako teknikari aritu zen EUSKO JAURLARITZAN, Herrizaingo Saileko Zerbitzuen Zuzendaritzari atxikita. Lanpostu horretan, diseinu-, garapen- eta kudeaketa-lanak egin zituen honako arlo hauetan: aurrekontuak, sailaren proiektuak, informazio-, ebaluazio- eta jarraipen-sistemak, ondare eta ekipamenduaren administrazioa eta kontserbazioa, barne-antolaketa, sailaren zerbitzuen zein lan-sistema eta -metodoen arrazionalizazioa eta informatizazioa, gainerako sailekiko koordinazioa eta sail arteko batzorde eta kontseiluetan parte hartzea, eta, azkenik, Ertzaintzari dagokion kupoak kalkulatu eta zehaztea.

1991-1995 urte bitartean, EUSKO JAURLARITZAKO Herrizaingo Sailari atxikitako Arkauteko Polizia Akademiako gerente aritu zen. Orduan, 2 milioi euro inguruko aurrekontu batekin eta 15 pertsona esleiturik zituela, ekonomia, ondare eta aurrekontuaren arloko kudeaketa-lanak egin zituen, bai eta zerbitzu orokorren nahiz giza baliabideen zuzendaritza-lanak ere.

1995-2003 urte bitartean, Ekonomia eta Plangintza Ekonomikoko zuzendari jardun zuen, EUSKO JAURLARITZAKO Ogasun eta Finantza Sailari atxikita. Orduan, 10 milioi euro inguruko aurrekontu batekin eta 30 pertsona esleiturik zituela, Jaurlaritzaren eta eskualdeko ekonomiarekin lotutako lanak egin zituen, hala nola: plangintza ekonomikoaren tresnen zein edukien definizioa; programa eta politika publikoen ebaluazioa; Euskal Sektore Publikoaren, herri administrazioen, eta atxikitako sektore publikoaren jardun ekonomiko eta finantzarioaren jarraipena eta azterketa; programazio ekonomikoaren doitzea; lurralde-antolamenduko tresnak prestatzea; EAEko ekonomiaren azterlan, txosten eta argitalpenak egitea (orokorrak edo sektorialak); ikerketa ekonomikorako metodoak eta EAEko ekonomiarako zein haren sektore eta/edo segmentuetarako modeloak garatzea; Jaurlaritzaren ezohiko neurri ekonomiko eta finantzarioen ikerketa eta azterketa; sailaren estatistika-produkzioarako proposamena eta garapena; Estatuak EAERI emandako eskualdeko laguntzen mapa; Europar Batasunaren esku hartzerako programa eta ekimenak prestatzea eta haien jarraipena eta kontrola egitea; Jaurlaritzari informazioa ematea Europako politika ekonomikoari buruz eta, bereziki, eskualdeko politikari buruz, eta, azkenik, Euskal Autonomia Erkidegoaren eskualdeko barne-politikaren arloko programen definizioa (2. helburua, FEDER eta INTERREG Europar Batasuneko funtsak).

2003-2015 urte bitartean, BIZKAIKO FORU ALDUNDIKO Ogasuneko zuzendari nagusi aritu da. Garai horretan, urteko 6.500 milioi inguruko sarrerak izan ditu helburu (diru-bilketan oinarrituak); gastuaren aurrekontuari dagokionez, 28 milioi euro eduki ditu, urteko (langileen kostua sartu barik), eta 850 pertsona baino gehiago izan ditu esleiturik, zuzendaritza horri emandako eginkizunak garatzeko. Ogasuneko Zuzendaritza Nagusian,

atxikitako zerbitzu eta atalekin elkarlanean, Foru Ogasunaren politikak eta berezko kudeaketa-helburuak gauzatu eta bete ditu, honako lau organo hauen sustapen, kontrol eta zuzeneko koordinazioaren bidez:

- o Zerga-kudeaketa: zuzeneko tributuak, zeharkakoak, zentsu-kontrola eta tokiko tributuak, eta zergadunarentzako informazioa eta laguntza.
- o Ikuskaritza.
- o Diru-bilketa: diruzaintza, gerorapenak eta bermeak, eta konkurtso-prozedurak.
- o Koordinazioa eta laguntza teknikoak: Fiskaltzarekin eta Justizia Administrazioaren organoekin harreman ofizialak, tributuen arloko doktrina, Europar Batasunaren araudiaren betearazpena, Estatuaren laguntzak eta Ekonomia Itunaren Arbitraje Batzordeari aurkeztu beharreko auziak prestatu, izapidetu eta haien jarraipena egitea.

Gainera, hainbat jardun-sektoretako administrazio-kontseiluetan parte hartu du:

- o 1995-2001 urte bitartean, AZTIn, itsasoaren eta elikagaien berrikuntzan aditua den zentro teknologikoan.
- o 1995-2003 urte bitartean, NEIKERen, nekazaritzako elikagaien sektoreari aplikatutako ikerketa eta garapen teknologikoan diharduen zentro teknologikoan.
- o 1995-2003 urte bitartean, ZAISAn, mugaz gaindiko plataforma logistikoa proiektatu eta kudeatzen duen Irungo sozietate publiko-pribatua.
- o 2004-2009 urte bitartean, ZABALGARBIIn, hondakinak erabiliz energia produzitzen diharduen sozietate publiko-pribatua.
- o 2003-2015 urte bitartean, Estatuko Loteria eta Apustuen Enpresa-Entitate Publikoaren Bizkaiko Ordezkaritza foru erakunde autonomiadunean.
- o 2004-2015 urte bitartean, ELKARGIn, enpresek eta enpresentzat sortutako finantza-erakundean. Abal-emailea da, eta aholkularitzan eta finantza-zerbitzuetan aritzen da.
- o 1998-2003 urte bitartean, Euskal Autonomia Erkidegoaren ordezkaria izan zen Europako Erregioen Batzordean.

Gaztelaniaz eta ingelesez hitz egin eta idazten du.